



ԽՈՐԱՅՐԵՔ ԶԵՐ ԳԻՏԵԼԻՔՆԵՐԸ



Նկար 1. Էկոլոգիական հետքը և կենսակարողությունը (Սիսեմա)

«Էկոլոգիական հետքը» ներկայանում է երեք՝ սպառման, արտադրության և վաճառքի ցուցանիշներով: Ինչպիսի՞ կապի մեջ են այս երեք ցուցանիշները: Բնակչության ներուժի և էկոլոգիական ծառայությունների հարաբերությունը գնահատելիս օգտագործվում է «Սպառման Էկոլոգիական Հետք» ցուցանիշը: Այս ցուցանիշը բնութագրում է րվյալ պետության (կամ նրա մի մասի) բնակչության կողմից իր փարածքի կենսակարողության սպառումը: Սպառման էկոլոգիական հետքի հաշվարկում ներառված է նաև այլ պետություններ արտահանված և ներքին սպառման համար ներմուծված պաշարներն ու էկոլոգիական ծառայությունները: Սպառման էկոլոգիական հետքի ցուցանիշը անմիջական կապի մեջ է այդ երկրի բնակչության կենսակարողության սպառման վարքագծից:

«Արտադրության էկոլոգիական հետք»-ը ներկայացնում է հիմնական արտադրանքի (վարելահողեր, արտավայրեր, անտառներ, անասնաբուծական և ձկնաբուծական փարածքներ) և կենսաարտադրական փարածքների հանրագումարը, ներառյալ՝ կառուցապատված փարածքները (ձանապարհներ, քաղաքներ, արդյունաբերական օբյեկտներ) և այն փարածքը, որն անհ-

րաժեշտ է բնական վառելիքի այրման հետևանքով առաջացած ածխաթթու գազի կլանման համար (Նկար 6.3): Արտադրության էկոլոգիական հետքը փաստացի արտացոլում է երկրում կամ տարածաշրջանում արտադրական գործունեության արդյունքում սպառված կենսակարողությունը: Այս ցուցանիշը մոտ է «Համախառն ներքին արդյունքին » (ՀՆԱ), որը երկրում արտադրված բոլոր ապրանքների և ծառայությունների արժեքների հանրագումարն է:

«Զուտ առևտրային էկոլոգիական հետք»-ը արտացոլում է կենսակարողությունների սպառումը միջազգային առևտրի միջոցով: Փաստացի այս ցուցանիշը սրացվում է արտահանված և ներմուծված էկոլոգիական հետքերի ցուցանիշների տարբերությամբ: Եթե արտահանման էկոլոգիական հետքը ավելի բարձր է, քան ներմուծմանը, ապա երկիրը վերականգնվող ռեսուրսներ զուտ արտահանող է և ընդհակառակը, այն երկիրը, որի ներմուծման էկոլոգիական հետքը գերազանցում է արտահանմանը, կախված է վերականգնվող ռեսուրսներից և այլ երկրների կողմից արտադրվող էկոլոգիական ծառայություններից: Ընդհանուր սպառման էկոլոգիական հետքի հաշվարկը ներկայացված է նկ. 2.-ում:

$$\begin{array}{c}
 \text{Սպառման} \\
 \text{էկոլոգիական} \\
 \text{հետքը}
 \end{array}
 =
 \begin{array}{c}
 \text{Արտադրության} \\
 \text{էկոլոգիական} \\
 \text{հետքը}
 \end{array}
 +
 \left(
 \begin{array}{c}
 \text{Ներմուծված}
 \end{array}
 -
 \begin{array}{c}
 \text{Արտահանված}
 \end{array}
 \right)$$

Զուտ առևտրային
էկոլոգիական հետքը

Նկար 2. Պետության էկոլոգիական հետքի հաշվարկը

Այսպես օրինակ՝ Չինաստանում արտադրված, բայց այլ երկրում վաճառված ավտոմեքենաների իբրև պաշարի սպառումը և դրանցով պայմանավորված արտանետումները ավելի շատ արտահայտվում են ներմուծող երկրի, քան Չինաստանի էկոլոգիական հետքի ցուցանիշով: